

1991 йил Ўзбекистон Республикаси мустақиллик куни — 1-сентябрдан чиқа бошлаган.

ПАЙШАНБА КУНЛАРИ ЧИҚАДИ

1996 йил январ

ЎЗБЕКИСТОН РЕСПУБЛИКАСИ БОЛАЛАР ЖАМҒАРМАСИ ВА «СОҒЛОМ АВЛОД УЧУН» ХАЛҚАРО ХАЙРИЯ ЖАМҒАРМАСИ ҲАФТАЛИГИ

Баҳоси эркин нарҳда



## БАЙРАМ ТАРАДУДИ

Қашқадарё вилояти фаоллари йиғилишида Ўзбекистон Президенти И. Каримовнинг Вазирлар Маҳкамасида бўлиб ўтган йиғилишда сўзлаган нутқидан келиб чиқадиган вазифалар муҳокама этилди. Жумладан Қашқадарёда Амир Темур юбилейи тантаналари алоҳида кутаринки руҳда ўтиши зарурлиги таъкидланди. Бу борада Қарши шаҳрида, Шаҳрисабз ва Яқкабоғда қилинаётган ишлар хусусида ҳам фикрлар юритилди.

## ЯНГИ ҚЎШМА КОРХОНА

Жомбой туманида яна бир Ўзбекистон-Туркия қўшма корхонаси — «Самжинтекс» уз фаолиятини бошлаб юборди.

Жаҳонга машҳур «Язекс» корпорацияси билан ҳамкорликда ташкил этилган бу корхонада йилига уч минг тонна пахта толаси қайта ишланиб, 40 миллион долларлик маҳсулот тайёрланади. Корхонада, асосан, юз фоиз пахта толасидан булган устки ва ички трикотах буюмлари ишлаб чиқарилади. Тайёр маҳсулотларнинг еттиш фоизи чет элларга экспорт қилинади.

## «АЙ-ТИ-АЙ» АНДИЖОНДА

Захириддин Муҳаммад Бобур номидаги Андижон ип-газлама ишлаб чиқариш ҳиссасдорлик жамиятининг 1-ип йиғирув фабрикасига Американинг «АЙ-ТИ-АЙ» фирмасининг дастгоҳлари олиб келиб ўрнатилди. Ушбу дастгоҳлар замондошларидан гоят сифатли, нозик иплар ишлаб чиқариш хусусияти билан ажралиб туради.

## БОҒДА МУЗЕЙ ВА ЧОЙХОНА

Кумқўрғон тумани марказида уруш ва меҳнат фахрийлари шарафига маданият ва истироҳат боғи барпо этиладиган бўлди. Бўлажак боғ учун 8 гектар ер ажратилди. Боғ асосан ҳашар йули билан бунёд этилади. Бу ерда музей ва қариялар чойхонаси ҳам бўлади.

## ХАЛҚ ШОИРИ ЭЪЗОЗЛАНДИ

Нукусда Ўзбекистон ва Қорақалпоғистон халқ шоири Тлеуберган Жумамуротов таваллудининг 80 йиллигига бағишланган кеча бўлди. Унда сўзга чиққанлар шоирнинг ҳаёти ва ижоди ҳақида гапирдилар. Саҳна усталари унинг шеърлари билан айтиладиган кўшиқларни ижро этди. Шоирнинг ватани — Муйноқда ҳам шундай кеча бўлиб ўтди.

Матбуот хабарлари асосида тайёрланди

## УШБУ СОНДА:

### «ВАҚТИНГ КЕТДИ, НАҚДИНГ КЕТДИ»:

— «Пул қулнинг кири, келаверади-кетаверади», дейишни ёқтирамыз (6-бет).

### «ИЛОН ИШКИ» (ҲИКОЯ):

— Тобут қопқоғини кўтарганларида... Ионнинг кўкрагида ўша илон қулча булганича улиб ётарди. (7-бет).

### «ПУШАЙМОН»:

— Камола узининг нозик ҳаракатлари, ноз-карашмалари билан мени бутунлай жодулаб олди (8-бет).



— Бу йил мактабга борганим ўтун дадам билан оқим мени анга эли бўлиб қолди, деб ҳисоблашадим. Мана ҳозир ҳам... Арзимеган баҳона билан укамни терлашмоқда... «Пиллада турган мураббо қани» эмиш... Э, камталар ҳам қизик. Лекин, мураббо жа-а мазами экан-да!

**АКЦИЯ**  
**ИКТИСОД**  
**ТАЯНЧИ!**



Тел 39-16-56  
FAX 39-17-63



• Буни ҳар бир оила билиши керак

## УМУМИЙ ГИГИЕНАНИНГ АЙРИМ ҚОИДАЛАРИ

хроник тонзилит ва бошқа) бўлиши мумкин. Гигиенага, болангизнинг саломатлигига эътибор берай десангиз сургични тоза сувга чайиб, сунгра унга беринг.

2. Инсон нажасида мавжуд бўлган бактерия ва вируслар турли хил оғир ҳасталикларни келтириб чиқариши мумкин. Шунинг учун ёпиқ ҳолатдаги ҳолатхоналардан фойдаланганда уларни истиқомат қиладиган жойдан узоқроққа қуриш тавсия этилади.

3. Организмга турли хил касалликларнинг хавф солишида сув ҳам асосий восита саналади. Шу сабабдан қудуқларни қопсуқ билан ёпиш, яроқсиз сувларни ичимлик суви олинадиган жойлардан узоқроққа чиқариш зарур. Ичимлик суви олинадиган манбаини ёнига жонзотларни яқин йўлатмаслик керак. Қолаверса, уй шароитида ичимлик сувини тоза жойда сақлаш, уни тоза идишларда ичиш тавсия этилади.

4. Ичимлик суви тиниқ, шаффоф қурингани билан уни бутунлай тоза, бактериялардан холи деб бўлмайди. Шунинг учун ҳатто водопровод сувини ҳам қайнатиб ичиш маслаҳат берилди.

5. Хом маҳсулотларни истеъмол қилишдан олдин уларни яхшилаб ювиш лозим. Тайёр бўлган овқатни эса узоқ муддат сақлаб қуймасдан дарҳол истеъмол қилиш керак. Чунки, илган, совиган овқатларда бактериянинг яшашига қулай имкониятлари бўлади. Агар овқатни беш соатдан кўпроқ сақламоқчи бўсангиз, уни 60° С иссиқликда ёки 10°С совуқликда қуйшингиз ке-

рак. Эмадиган гўдак ва бола-ни эса ҳар сафар янги овқатлар тайёрлаб озиқлантириш лозим.

6. Агар сиз озиқ-овқатларингизни чивин, пашша, сиқон, каламушлардан ҳимоя қилиб, тоза-озода жойларда сақласангиз, касаллик тарқатувчи бактериялар саломатлигингизга хавф соломмайди.

7. Бактерия ва вирусларни ташувчи паразитлар маҳсулотлар жойларда кўп бўлади. Шунинг учун ҳар бир оилада қолдиқлар ва ахлатларни соладиган махсус идишлар бўлиши керак.



• Туркистон бир — Ватан бир

## ПРЕЗИДЕНТНИНГ ЯНГИ ФАРМОНЛАРИ

Қирғизистон Президентлигига қайта сайланган Асқар Ақаев иккита Фармонга имзо чекди. Биринчисига қўра, талабаларнинг стипендиялари ва нафақахўрларнинг нафақалари миқдори оширилди, Иккинчи Фармон эса мамлакатни иқтисодий ривожлантиришнинг 2005 йилгача бўлган истиқболлари Дастурини ишлаб чиқиш бо-расида.

## ГЛОБУС ҲАМ ОЛТИН, ЮЛДУЗ ҲАМ

Янги йил арафасида «Туркманминерал» ишлаб чиқариш бирлашмасининг омади чопди. Бирлашманинг махсулотлари жаҳон стандарти талабларига тўла мос келиши ва юқори сифатга эга эканлиги туфайли Мадриддаги қуриқда «Олтин юлдуз», Копенгагенда эса «Олтин глобус» совринлари билан тақдирланди. Шундан сунг, ҳиндистонликлар «Туркманминерал»нинг махсулотларидан 1996 йилда 100 миң тонна сотиб олиш истагини бидаяришди. Италиянинг «Ажинд Свиссис-тал» фирмаси билан ҳамкор-ликда қўшма корхона ҳам тузиш режалаштирилган.

## УРУШЛАРДАН ЧАРЧАГАН ЭЛЛАР ДЎСТЛИГИ

Тожикистон Бош Вазири Жамшед Каримовнинг Белградга ташрифи чоғида шу республика билан Югославия иттифоқи уртасида савдо-иқтисодий ҳамкорликни ривожлантириш тўғрисидаги битим имзоланди. Унга қўра савдо, иқтисод, фан-техника соҳаларидаги ҳамкорликни ривожлантиришга қўмаклашувчи югослав-тожик ҳукуматлараро қўмита тузилади.

## ГАЗДАН КЕЛСА ДАРОМАД...

Туркманистон 1996 йилда 45 миллиард кубометр газни чет элларга экспорт қилиш-ни режалаштирган. Газ экспорти бюджетга келадиган тушумларнинг учдан бир қисми, яъни 1 миллиард 900 миллион АҚШ долларини ташкил этиши кутилмоқда. Нефт қазиб олишни эса 5 миллион тоннага етказиш кўзда тутилмапти.

## ОШНИНГ ТАЪМИ ТУЗ БИЛАН

Тожикистонда «Экстра» маркали туз ишлаб чиқарувчи йирек завод ишга туширилди. Завод бир йилда 180 миң тонна юқори сифатли ош тузи ишлаб чиқариш қувватига эга бўлиб, бу мамлакатнинг ички эҳтиёжидан икки ҳисса кўдир. Демак, тузнинг тенг ярмини ҳамдустлик давлатларига ва чет элларга сотиш мумкин бўлади.

Бола организмга таъсир этиб, уни ҳатто ҳалокатгача олиб келадиган бактериялар асосан сув ва озиқлардан ўтади. Шунинг учун ота-оналарнинг гигиеник қоидаларга риоя қилиши, унинг моҳиятини яқин англаши жуда муҳим урин тади.

1. Овқат тайёрлашдан ва бола-ни овқатлантиришдан олдин тозалikka қатъий риоя қилган ҳолда, қўлни совунлаб ювиш лозим. Маълумки, ёш бола тез-тез қўлини озгига солади. Шу сабабли унинг қўли доим тоза бўлиши керак. Узоғи билан қу-нора бир марта боланинг юзи-ни ювиш тавсия этилади. Она, оиладагилар кўпинча сургични озгига ҳўллаб, яъни узларича тозалаб гўдакка беришади. Аммо бу нотўғри. Чунки катталар-нинг озгиди инфекция тарқату-чи микроблар (тиш кариеси,

## Муассисларимиз фаолиятидан

Ўзбекистон Республикаси Болалар жамгармасининг Тошкент вилоят бўлими моддий ва маънавий ёрдамга муҳтож бўлган кўп болали оилалар ва ногирон кишилар аҳволидан тез-тез ха-бар олиб туришни яқин йўлга қўйган. Улар жамгармага ёрдам

сураб келганларга мурувват қур-сатибгина қолмай, юришга ило-жи бўлмаган ногирон кишилар-га, уларнинг оилаларига ҳам ёр-дам қўлини чўзмоқда. Янги йил арафасида жамгарма ходимлари кўпгина муҳтожларнинг кўнгли-ни олишга эришдилар. Қўрағай туманидаги ногирон Асадулла Но-сировнинг оиласи ҳам бу муру-ватдан баҳраманд бўлди. Жамгар-ма томонидан уларга Америка ва Жанубий Кореядан беминнат ёр-дам сифатида келтирилган кийим-кечаклар ва озиқ-овқатлар тоширилди.

Пойтахтимиздаги «Баҳор» кон-церт залига эса «Баҳор» ансамб-ли билан ҳамкорликда Оҳанга-рон туманидаги ота-онасиз қол-ган болалар учун арча байрам ташкил этилди. Унда қизқарли концерт дастури ва томошалар на-мойиш этилди. Байрам сўнгисида болаларга «Баҳор» ансамбли ва вилоят болалар жамгармасининг совгалари тарқатилди.

Ўзбекистон Республикаси Бо-лалар Жамгармасининг Тошкент шаҳар бўлими ҳам пойтахт-даги Рўхий ҳасталиклар шифо-хонаси, пульмонология институ-ти, Эндокринология институти, Травматология ва ортопедия институти болалар бўлимида, Полимерит болалар даволаш маскани, 23 болалар уйида бў-либ, хаста дилларни шод этиш-ди. Жамгарма қошидаги «Осиё» кичик корхонаси томонидан уюштирилган қорбобо совгалар-ини улашдилар.

### Бу ажиб дунё

### ИСМ — ҚИСМАТ, ДЕЙДИЛАР

Австралиянинг Аделанда шаҳрилик Роб Банке ис-м-ли кишини банк ўриси сифатида қамоқ жазосига маҳкум этишди. Лекин округ судьяси ишни қайта кўриб чиқиш учун шаҳар судига қайтариш ниятида.

— Гумондорнинг исми инглиз тилида «банкни ўмар», «банк ўриси» маъносини англатади, — дейди округ судьяси Уильям Земан. — Судда судьялар шу исмни эшитибюқ, уни айбдор деб топади бўлмаса керак. Шу сабабли мен ишни чуқур ўрганиб чиқиш учун шаҳар судига қайтармоқчиман.



• Биласизми?

## ОИЛАВИЙ БАХТНИНГ РАМЗИЙ ИФОДАЛАРИ

Кўпгина халқларда узоқ ва аҳил яшаган оилаларнинг кумуш, олтин тўйлари нишон-ланишини яқини биламиз. Аммо дунё халқларида бунақа тўйларнинг анча эканлигини ҳамма ҳам билвермаса ке-рак. Қуйида эва ана шунчақа ажойиб тўйлардан бир қан-часи ҳақида маълумот бера-миз.

**Яшил тўй.** Жуфтликнинг никоҳдан ўтган кунини ни-шонлаши. Муҳаббат ва нав-қиронлик байрами деб ҳам қўрилади.

**Чит тўйи.** Оила қурилга-нига бир йил тўлиши муно-сабати билан нишонланади-ган байрам. Бундай галати номланишига сабаб, ёш ои-ла ҳаётига кундалик таш-вишлар кириб келади. Шу сабабли жуфтлик бир-бири-

га ҳазиллашиб читдан қилин-ган нарсаларни тақдим эти-шади.

**Ёғоч тўйи.** Бир ёстиққа умид билан бош қўйилгани-га беш йил тўлиши муноса-бати билан нишонланади. Бу кун жуфтликларга ёғочдан қилинган буюмлар совға қи-лишади.

**Оҳорли тўй.** Оила қурил-ганига 6,5 йил тўлиши муносабати билан нишонла-надиган кун. Яъни никоҳ оҳорли буюмлар сингари жи-лоланиб туриши учун, эр-хо-тинга оҳори кетмаган янги буюмлар совға қилинади.

**Асал тўйи.** Оилавий ҳаёт-нинг еттинчи йилида нишон-ланади. Бунда жуфтликлар бир-бирларига қизил атиргул тортиқ этишаркан.

**Ойна тўйи.** Турмуш қурил-ганига 15 йил тўлиши муно-сабати билан нишонланади-ган кичик байрам. Бу кунда аҳил жуфтликнинг ҳаёти ойнадек силлиқ ва бегубор бўлишини тилаб, ойнадан қи-лингн турли хил буюмлар совға қилинади.

**Чинни тўйи.** Оилавий то-тув ҳаётнинг 20-йилида ни-шонланади. Байрамга келган меҳмонларга эса чинни идишларда таомлар қўйила-ди.

**Кумуш тўй.** Барчага маълум ва машҳур бўлган бу тўй эса... тўғри топдингиз, турмуш қурилганига 25 йил тўлиши муносабати билан нишонланади.

**Марварид тўй.** Оилавий никоҳнинг 30-йилида танта-на қилинади. Бу кун эр хо-тинга марварид мўнчоқ совға қилади.

**Суруп (газмол) тўй.** Ои-ла қурилганига 35 йил тўл-ганда нишонланадиган ки-чик байрам. Сурупдан қи-лингн дастурхонга совға-лар солниб, тортиқ қили-ниши сабабли, байрам ана шундай номланади. Қола-верса, Суруп тинчлик ва то-тувлиқнинг рамзи ҳам экан.

**Ёқут тўйи.** Турмуш қурил-ганига 40 йил тўлиши му-носабати билан нишонла-ниб, аёлга ёқут кўзли узук совға қилинади. Чунки ёқут умрбоқий севги ва олов то-шидир.

**Олтин тўй.** Ярим асрлик оилавий тотув ҳаётни ни-шонлаб, байрам қилинади-ган кун. Тўй кун тақилган олтин узуклар, бу кун ян-гиси билан алмаштирилади.

**Бриллиант тўйи.** Оилавий бахтли ҳаётнинг 60-йилида нишонланадиган тантана.

АЛИЖОН тайёрлади





• Фойдали маслаҳатлар

## КАРАМ ВА ПАВЛАГИ

Карам янгилигида ва тузланган ҳолда йил буйи, айниқса, ҳозирги қиш фаслида куп истеъмол қилинади.

Карам С витаминига бой. Тузланган карамни ишлатишдан олдин сувни сирқитиш лозим. Янги карамга келадиган булсақ, у қисқа муддат ичида пишпади. Шунинг учун шурвага карамни картошқадан кейин солиш лозим. Уни пиширишда озгина сирка қушилса яхши бўлади.

Агарда харид қилган карамингизнинг аччиқроқ таъми булса хафа бўлманг, 2-3 минутча қайнаб турган сувга солиб қуйинг. Бу аччиқ таъмини йўқотади. Карамда ёмғир чувалчанги еки капалак қурғи булса уни намақобга (1 литр сувга 50-60 гр туз) солиб қуйилади. Бунда чувалчанг ва капалак қурғи сув юзасига қалқиб чиқади. Шундан сунг карам ювилади ва тайёрланастган масалликча мос равишда ишлатилади.

\*\*\*

Лавлаги асосан винегрет, карам шурва ва шурвага солинади. У қайнатиб ва димлаб пиширилади. Лавлаги

углевод манбаигина бўлиб қолмай, биологик жihatдан қимматли ҳамдир. У қон айланишини яхшилайди, усини тезлаштиради. Буевчи моддалари ҳам худди шундай хоссаларга эга, бироқ пиширганда бу хоссалари камаяди. Димлаб пиширганда унга озроқ сирка қушиш керак. Шунда буевчи моддалари парчаланмайди.

Одам овқатида карам ва лавлаги алоҳида урин тутати. Булар организмга витаминлар, ишқорий минерал элементлар, органик кислоталар ва углеводлар каби фойдали моддаларни etkazиб беради. Карам одам организмга энг куп шира ҳайдовчи ҳисобланади.

Ҳозир терапия клиникаларида мьсада секретиясини ошириш ва ун икки бармоқ ичак яраси касаллигига даво қилиш учун карам ва лавлагидан олинган суюлтирилмаган шарбатлардан кенг фойдаланиляпти. Бундан ташқари камқонлик, ичак инфекцияси касалликларида ҳам кенг қўлланилади.

Гулсора СУЛАЙМАНОВА тайёрлади

• Эҳтиётсизлик оқибатидаги кўнгилсизликлар

## ЎШ БИЛАН ҲИНАШИМАН

Термиз шаҳридаги Ш. Рашидов номли кучада яшовчи Эргаш Абдурахмоновнинг рўзгорига 1995 йилда икки марта фалокат айланишди. Эҳтиётсизлик бўлди, гафлат босдим, нима булса бўлди: икки марта, биринчиси йилнинг бошида, иккинчиси йилнинг адоғида. Уй икки марта энгин ичида қолди. Биринчи энгиндан хонадон эгалари 50 минг сумлик талофат қўрдилар. Энгина келин тўйи учун гамаб қўйилган бисотлар, сарпюларгача: хаттоки Эргаш аканинг кийимларигача буткул қуйиб кетди... Ут учирувчилар аниқлаб билишди: электр си-

мининг қисқа тугашуви оқибатида уйга ут кетган экан.

Уй-жойлари сугурта қилинмаган уй эгаси атиги икки минг сумга яқин ердан пули олди, холос...

... Йил охирайвериб шу хонадонда яна энгин ҳосил бўлди. Бу гал моддий зарар ун минг сумни ташкил этди. Бу гал эса газдан фойдаланиш қоидаси бузилганлиги сабаб бўлди.

Аммо, рўзгори бир йилда икки марта энгин балосига гирифтор бўлганлар Термизда ягона эмас. Шаҳарнинг Гафур Ғулом номли кучасида истиқомат қилувчи М. Бобоовнинг икки қаватли уйида июн ойида электр плитасининг қаровсиз қоллиши натижа-сида олов вужудга келди. Энгин бир томондан кўнгилларга қанчалик отир жароҳатлар солган булса, иккинчи томондан эса ун беш минг сумлик моддий зарар ҳам келтирди.

Лекин... келган бало шу ут билан кетган булсин, деб туришганида орадан бир ой утар-ўтмас яна шу уйга энгин дориди. Энгина электр симининг қисқа тугашуви сабаб булган, дея изоҳлашди бу бахтсиз ҳолат-саи ут учирувчилар.

Газ, электр энергиясидан фойдаланишда эҳтиёт бўлган яхши. Негаки худди шу газ ва электр энергиядан нотугри фойдаланиш куп ҳолларда энгин чиқишига асосий сабаб бўлмоқда. Қораверса қарияларимиз дуога қўл очгайларида куп-куп яхши тилаклар билан бир қаторда мўдом «ут балондан асра!» дея бекорга айтмас эканлар.

Махмуд АБУЛҒАЙЗ, Сурхондарё вилояти

### Бу ажиб дунё

**АНТИҚА РЕКОРД**  
Анъанавий рус халқ фестивали пайти оғирлиги 214 килограмм бўлган Владимир Компанов исмли бақалоқвой антиқа рекорд ўрнатди. У атиги икки соат ичида 11 дона ошқовоқни хомлигича, буни-нг устига пўчок ва уруғ-лари билан бирга еб қўйди.

\*\*\*

Пиёз суви ари ва бошқа ҳашаротлар чаққанга жуда яхши даводир.

\*\*\*

Костюм ёқаси ва телпақдаги кирни кетказиш учун улар ҳулланиб, поташ (карбонат аммония) билан ишқаланади. Бир неча минут ўтгач илиқ сувда ювиб ташласангиз, кийимлар топ-тоза бўлади-қолади.

\*\*\*

Гипс тез қотмасин десангиз, унга бироз спирт қушиб юборинг. Агар гипс алоҳида қаттиқ бўлсин десангиз, озроқ елим қушинг.

## ҲАМИША ЁШ КЎРИНАЙ ДЕСАНГИЗ...

Ажинларнинг олдини олиш учун юзни кунда яхши парвариш қилиб туриш керак. Истаган крем, ёгдан сал суртиб, бармоқ учи билан оҳиста ишқалаш яхши фойда беради. Купинча ажинлар шунинг узи билан йуқолиб боради.

Куп ҳолларда қуруқ терини ажин босади. Шу сабабли тез-тез крем-лаб туринг, кремни кечаси ёки куча-га чиқишдан олдин суртинг.

Юзингизни буриштиришга ўрганманг. Бу ҳам ажинлар пайдо бўлишига сабаб бўлади.

## БИЛИБ ҚЎЙГАН ЯХШИ

Қизил рангли ёки қизилга бўялган кийимларни юваётганингизда қизил сиеҳдан бир неча томчи қушиб юборсангиз, уларнинг ранги сақланиб қолади.

\*\*\*

Қора шойини сувда эмас, грузин ёки ҳинд чойида чайқасангиз ялтироқлиги йўқолмайди.

## ТАБРИКЛАЙМИЗ!

### Азиз падари бузрукворимиз Собиржон МИРСОАТОВ!

Сизни кўтлуг ёшингиз билан табриклаймиз. Биз сиз билан фахрланиб, сизга муносиб зурриёд бўлиш нияти билан яшаймиз. Кўнглингизда неки ниятлар булса рўёбини қуринг.

Турмуш ўртоғингиз Малика, фарзандларингиз Махлиё, Озод, Шерзод, Ирода, Бунёд.

Онажонимиз Наима ХОНХОДЖАЕВА! Сизни кўтлуг 55 ёшингиз билан самимий табриклаймиз. Бахтимизга ҳамиша соғу саломат бўлинг.

Саиданвар, Шаҳноза ва набираларингиз.

### Ҳурматли Юсуфбек ТОЖИБОЕВ!

Таваллуд айёмингиз кўтлуг бўлсин. Соғлик-саломатлик, ўқиш ва ишларингизга ривож тилаб

Бахриддин.

### ОИЛА 60 ЁШДА

Тошкентлик, мўмин-мусул-

мон киши. Маданиятли, иқтисодий томондан тула-туқис. Фарзандларидан тинчиган. Фақат кексаликда бир вафодор ҳамроҳга муҳтож. Узига муносиб, 45-55 ёшлардаги меҳр-оқибатли аёлни умр йўлдошликка излайди.

«Оила-428»

### 18 ЁШДА

Тошкентлик, кўхликкина жувон. Ота-онаси билан бирга яшайди. Ҳеч қасрда ишламайди. Саранжом-сариншта, уй ишларини жон-дилдидан севади. Тугри, диенатли, уйим-жойим дейдиган инсон билан танишиб бахтли оила қуриш бирдан-бир орзуси.

«Оила-429»

### 29 ЁШДА

Сурхон воҳасидан. Олий маълумотли ўқитувчи, буйи 178 см, уйланмаган. Ҳозирда Тошкентда истиқомат қилади, иқтисодий мустақил. Маълумотли, ла-тофатли, маънавий баркамол киз билан танишиб бахтли-саодатли оила қуриш ниятида. Вилоятдан булса, янада яхши.

«Оила-430»



## ИЗОХ

«Танишув» эълонининг баҳоси 100 сўм, шунингдек «Табрик», «Ўзаро савдо» эълонлари қўйидаги тартибда белгиланди: бир босма белгининг (харф, тиниш белгиси) баҳоси 60 тийин. Табриклар сурати билан берилса, битта суратнинг баҳоси 60 сўм.

Ўн кун ичида берилган эълонлар икки баробар қиммат.

## БИЛАСИЗМИ?

Биринчи ҳисоблаш машинаси 1623 йилда немис профессори Вилгелм Штуккард томонидан кашф қилинган. Бу машина ҳақида маълумот фақат 1958 йилдагина маълум бўлган.

Синуслар теоремаси ҳинд математиги Брамоугупта (598-660) ижодига мансуб.

Бўлиш ва купайтириш ҳақидаги биринчи автоматик қурилма рус математиги Чебишев томонидан яратилган.

XV асрда Улўбкекнинг машҳур расадхонасида ишлаган ўзбек математиги Ғнесиддин Жамшид Ал Қошп биринчи бўлиб унли касрларни яратган. Европада фақат ундан 175 йил кейин Симон Стивен бу сонларни кашф қилган.

Рус шоирларидан В. Г. Бенедиктов ва М. Ю. Лермонтов математика билан севиб шуғулланганлар.

Косинуслар теоремасини биринчи бўлиб Хоразм математиги Ал Беруний кашф қилган (973-1048). Европада эса француз Вейт (1540-1603).

ОЙГА учайтган космик кема ҳар бир чақиримга 0,1 сония вақт сарфлайди.

Аниқланишича, сичқон юраги бир дақиқада 1000 мартага яқин урар экан.

1909 йилда француз Рун Блерно Ламанш бўғозидан планерда 37 дақиқада учиб ўтди.

Энг узоқ туш қуриш 45 дақиқа давом этиши мумкин.

## ЭЪЛОН

Тошкент шаҳри А. Икромов туманидаги «Шаҳноз» шахсий корхонаси тугатилди. Даъволар эълон чиққан кундан бошлаб бир ой муддат ичида қабул қилинади.

